

**Siunnersuut uunga: Ilisimatusarnermut siunnersuisarnejq ilisimatusarnermullu aningaasaliisarnejq pillugit Inatsisartut inatsisaat nr. xx, xx.**

(Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisoq)

**Saqqummiussineq****Siullermeerinnineq**

Ilisimatusartarnejq pillugu siunnersuisarnejq aamma ilisimatusarnermut aningaasaliissutit pillugit Inatsisartut inatsisissaattut siunnersuut Naalakkersuisut sinnerlugit matumuuna saqqummiuppara.

2012-ip naalernerani Kalaallit Nunaanni Ilisimatuussutsikkut Misissuinernut Ataatsimiititaliarsuup (KVUG) atorunnaarsinneqarnera tunngavigalugu siunnersuuttip piareersarnejqarnera aallartinneqarpoq. Inatsisissamik piareersaanerme immikkoortumi soqutigisaqartut isumasiorneqarput qanimullu oqaloqatigineqarlutik.

Siunnersuut Kalaallit Nunaannut atuuttumik kalaallit ilisimatusarnikkut siuarsarnejqarnissaat nukittorsarnejqarnissaallu pillugit kissaateqartoqarnera tunngavigalugu suliarineqarpoq. Siunnersuut aqqutigalugu Kalaallit Nunaanni ilisimatusarnermut siunnersuisoqatigiinnik pilersitsinissaq tunngavilerneqarpoq, taanna aqqutigalugu siunnersuummi anguniarneqartutut taaneqartut piviusunngortinnissaannut pingaarnertut sakkussatut isigineqarmat.

Ilisimatusarnejq pillugu siunnersuisoqatigiit pisariaqarput assersuutigalugu ilisimatusarnermut aningaasanik tunniussisarnermik suliaqarnermi, ilisimatusarnejq pillugu politikkimik ilisimatusarnermilu periusissiani apeqqutinik Naalakkersuisunut ikiuunnissami, Kalaallit Nunaata Savalimmiuni Danmarkimilu ilisimatusarnejq pillugu siunnersuisoqatigiinnut Kalaallit Nunaata Naalagaaffeqatigiinnermi soqutigisaanik suliaqarnermi, Issittumi ilisimatusarnermut danskit aningaasanut inatsimmi aningaasaliissutaannik agguaanerme Danmarkimut ikiuunnermi aammalu nunat tamat suleqatigiinneranni nunat allat ilisimatusarnejq pillugu Kalaallit Nunaata soqutigisaanik suliaqarnermi.

Siunertaq tassaavoq Ilisimatusarnermut siunnersuisoqatigiit nunat tamalaani ilisimatuussutsikkut qaffasissumik pitsaassuseqartut, ilisimatusarnerup, nutaaliernerup aallartisaanerullu siuarsarnissaannut Naalakkersuisunut qitiusumik siunnersuisarnermik, iliuseqarnissamik aningaasaliisarnermillu annertuumik pisussaaffilerneqarlutik ingerlataqartunik pilersitsinissap periarfissinneqarnissaa siunnersuummi siunertarineqarpoq.

Ilisimatusarnermik Siunnersuisoqatigiit taaguuteqarput Nunatsinni Ilisimatusarnermik Siunnersuisoqatigiit (Grønlands Forskningsråd, Greenland Research Council).

Inatsimmi pingaarnertut siunertat siunnersuummi ilaapput, Siunnersuisoqatigiit, pilersinneqarnissat, Siunnersuisoqatigiit suliassat, Siunnersuisoqatigiit katitigaanerat akissarsiaqartinnerallu, Siunnersuisoqatigiit inatsisinik atortitsineri inissisimanerat aningaasalersornerallu, Siunnersuisoqatigiit ingerlatsinerat atuutilersitsinermilu aalajangersakkat.

Siunnersuisoqatigiit suliaqarfiit akimorlugit katitigaapput. Siunnersuutigineqarpoq Siunnersuisoqatigiinni ilaasortat imatut katitigaasassasut ilisimatusarfiit, qitiusumi ilisimatusarfiit, ilisimatusartullu Siunnersuisoqatigiinni ilaasortaatillugit. Aammattaaq siunertaavoq aallarnisartut nutaaliortartullu Siunnersuisoqatigiinni aallartitaqarnissat. Tamanna pivoq Kalaallit Nunaanni ilisimalikkat nutaat niuernerme atorineqalernissaannut tapersiinnissat, assersuutigalugu suliffeqarfinni nutaani ilisimatuunit ilinniartunilluunniit aallartinneqartuni.

Siunnersuisoqatigiit pilersinneqarnerisigut ilisimatusarnermut siunnersuisarneq Kalaallit Nunaata ingerlatilissavaa, tassa suliassat siornatigut kalaallit/danskit ataatsimoorullugu Kalaallit Nunaanni Ilisimatusarluni Misissuinerlutik Ataatsimiititaliarsuup suliarinikuusai, siunnersuutikkut ugguuna Siunnersuisoqatigiinnit suliarineqartalissammata.

Siunnersuisoqatigiit suliassaraat, ilisimatusarnikkut politikkimi apeqqutit pillugit ilisimatusarnikkullu aningaasanik ilisimatusarnermut atugassanik tunniussisarnermik Naalakkersuisunut ikiuunnissaq. Siunnersuisoqatigiiffik aqutsiveqarfiuvoq sumulluunniit attuumassuteqanngitsoq namminerlu aningaasaliinissamut piginnaatinneqartoq, ingerlatsinerminili ilisimatusarneq pillugu politikkimi anguniakkat pingaarnertut Naalakkersuisunit aalajangerneqartut piviusunngortinniarsarissavaat.

Aammattaaq Siunnersuisoqatigiit pilersinneqarneranni ilisimatusarneq pillugu siunnersuisarnerit siunnersuisoqatigiinni piffissami sivilisinerusumi katersornissat periarfissaavoq.

Aammattaaq siunertaavoq Kalaallit Nunaanni Namminersorlutik Oqartussat ilisimatusarnermut aningaasaliisarnerisa pisariillisarnerunissaa siunertaralugu Siunnersuisoqatigiit Namminersorlutik Oqartussat ilisimatusarnermut aningaasaliissutaannik qitiusumik katersuuffiussasut.

Siunnersuisoqatigiit taassuma saniatigut suliassaraat ilisimatusarnermi paasisat avammut annertunerusumik ingerlateqqittarnissat.

Ataatsimut isigalugu siunnersuut Naalakkersuisut matumuuna saqqummiuppaat Kalaallit Nunaanni ilisimatusartarnermik annertusisitsisussaq aammalu ilisimatusarnermi paasisanik avammut ingerlatitseqqiisarnissamik qulakkeerinitsitsisoq.

Taamatut naatsumik oqaaseqarlunga siunnersuut Inatsisartunut suliassanngortippara.